

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Utoqqalinersiaqarneq pillugu Inatsisartut inatsisaat 13. november 2015 akuersissutigineqarpoq (UKA 2015/160).

Inatsisip atuutilersinneqarneranut atatillugu qarasaasiakkut pisortat ataatsimoortumik sullissinikkut ingerlatsivianni aamma kommunit allaffissornikkut ingerlatsiviani winformatikkimi suliaqarnermi paasineqarpoq inatsiseqarnermi teknikkikkut kukkusoqarsimasoq, tamannalu utoqqalinersiaqartunut utoqqalinersiaqanngitsumik aappaqartunut aningaasaqarnikkut pitsaanngitsumik siunertarineqanngitsumik kinguneqartussamik.

2. Siunnersuummi immikkoortut pingaernerit

Inatsisissatut siunnersuutip qulakkeerpaa isertitat maanna atuuttut § 5, imm. 2-mi toqqammavigineqartut naatsorneranni utoqqalinersiarineqartut aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat naapertorlugu utoqqalinersiarineqartut ilanngunneqartannginnissaat. Utoqqalinersianut tapiliunneqartut naatsorsorneqarneranni ukiumut isertitat maanna atuuttut katinneri toqqammavigineqassapput.

Utoqqalinersiaqarneq pillugu Inatsisartut inatsisaanni § 5, imm. 2-mi siunertarineqartutut nalimmassaaneq ingerlanneqassasoq aamma inatsimmi aningaasatigut kingunerisassat naatsorsorneqarsimasut tunngavineqassasut Inatsisissatut siunnersuutikkut qulakkeerneqarpoq.

Inatsisissatut siunnersuutip inatsimmut atuuttumut sanilliunnera	
<i>Oqaasertarineqartut atuuttut</i>	<i>Inatsisissatut siunnersuut</i>
	§ 1 Utoqqalinersiaqarneq pillugu Inatsisartut inatsisaat nr. 20, 23. november 2015-imeersumi allangortinneqarput:
§ 5. Inatsisartut inatsisaanni matumani aapparisaq naatsorsuunneqartoq tassaavoq utoqqalinersiallip katissimallugu aapparisaq, nalunaarsukkamik aapparisaq, imaluunniit katissimanermut assingusumik sivikinnerpaamik ukiumi	1. § 5, imm. 2 ima allanneqassaaq: ”Imm. 2. Utoqqalinersiallit utoqqalinersianut pisinnaatitaanngitsumik aappaqartut utoqqalinersianut tapeqassapput utoqqalinersialimmut kisimiittumut

<p>ataatsimi aapparimasaa.</p> <p><i>Imm. 2.</i> Utoqqalinersiallit appaartut utoqqalinersianut tapeqassapput utoqqalinersialimmut kisimiittumut tunniunneqartunut annertussuseqartumik, utoqqalinersialik aapparisaatalu isertitaat maanna atuuttut ukiumut katillugit ilanngaattissat ilanngunnagit kr. 200.000-t ataallugit akileraarutaasussanik isertitaqarpata. Utoqqalinersianut tapeq utoqqalinersiallip aappaatalu isertitaanit toqqammavigineqartunit 53 pct-imik appartinneqassaaq kr. 83.000-inik ilanngaaserlugit.</p> <p><i>Imm. 3.</i> Aappaasoq isumaginninnerup iluani ulloq unnuarlu angerlarsimaffimmut aalajangersimasumik najugalittut nuuppat, utoqqalinersiaqartoq kisimiittutut isigineqassaaq.</p>	<p>tunniunneqartumut annertussuseqartumik, utoqqalinersiat ilanngunnagit aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat naapertorlugu utoqqalinersiat ilanngunnagit, utoqqalinersialik aapparisaatalu isertitaat maanna atuuttut ukiumut katillugit kr. 200.000-t ataassimappatigit. Utoqqalinersianut tapeq utoqqalinersiallip aappaatalu isertitaanit toqqammavigineqartunit 53 pct-imik appartinneqassaaq kr. 83.000-inik ilanngaaserlugit.”</p>
	<p style="text-align: center;">§ 2</p> <p>Inatsisartut inatsisaat 1. januar 2016 atuutilerpoq.</p>

3. Pisortanut aningaasaqarnikkut allaffissornikkullu kingunerisassat

Inatsissatut siunnersuut pisortanut aningaasaqarnikkut allaffissornikkullu kinguneqassanngilaq. Utoqqalinersiaqarneq pillugu Inatsisartut inatsisaanni aningaasaqarnikkut kingunerisassat (UKA 2015/160) naatsorsorneqarneri matumani inatsisissatut allannguutissatut siunnersuummi aalajangersakkami imaritinneqartut tunngavigalugit suliarineqarput.

4. Inuussutissarsiornermi aningaasaqarnikkut allaffissornikkullu kingunerisassat

Kinguneqassanngilaq.

5. Avatangiisinut, pinngortitamut inuiaqatigiillu peqqissusaannut kingunerisassat

Kinguneqassanngilaq.

6. Innuttaasunut kingunerisassat

Inatsimmi siunertarineqartoq inatsisissatut siunnersuutikkut naapertuuttunngortinneqarpoq aamma Utoqqalinersiaqarneq pillugu Inatsisartut inatsisaanni aningaasaqarnikkut kingunerisassatut naatsorsuutigineqartunut naapertuuttunngortitsilluni. Utoqqalinersiallit

Utoqqalinersiaqarneq pillugu Inatsisartut inatsisaanni § 5, imm. 2-mi pineqartut utoqqalinersiassa at inatsit 1. januar 2016-imi atuutilernerani naatsorsuutigineqarsimasut inatsisissatut siunnersuutip qulakkeerpa.

7. Kingunerisassat allat pingaarutillit

Soqanngilaq.

8. Pisortanut aamma kattuffinnut il.il. tusarniaaneq

Inatsisissatut siunnersuut Naalakkersuisut Siulittaasuata Naalakkersuisoqarfianut aamma Aningaasaqarnermut Naalakkersuisoqarfimmut tusarniaassutigineqarpoq. Tusarniaassummut oqaaseqaateqartoqanngilaq.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersakkap oqaasertai allangortinneqarput.

Utoqqalinersialimmut taassumalu aapparisaanut ukiumut isertitaat maanna atuuttut naatsorneqassapput utoqqalinersiarineqartut aamma Nunat Avannarliit isumaqatigiissutaat naapertorlugu utoqqalinersiarineqartut ilanngunnagit.

Utoqqalinersiaqartutut kisimiittutut utoqqalinersianut taperneqarsinnaanermut ukiumut isertitanik maanna atuuttunik naatsorsuineq toqqammaviliisuusaaq. Taamattaaq ukiumut isertitat maanna atuuttut naatsorsorneqarneri utoqqalinersianut tapit nalimmassarneqarnerinut toqqammaviussapput.

Aappaqartoqartillugu aappaasup suliffeqarnera pissutigalugu utoqqalinersiat katinnerini naleqqutinngitsumik annikilliliisoqarnissaa pinngitsoorniarlugu siunnersuut ilapittuutaassaaq.

Siunnersuut malillugu utoqqalinersiaqartumut takussutissiatut utoqqalinersiat ima naatsorsorneqarsinnaapput:

Arnaq: Utoqqalinersiami saniatigut isertitaqanngitsoq

Angut: (utoqqalinersiaqanngitsoq): ukiumut kr. 110.000-nik isertitaqartoq

Isertitat maanna attuuttut ilimagineqartut:

Arnaq:

Isertitat toqqammaviusut 59.900 kr.

Utoqqalinersianut tapeq (aappariinnut) 41.300 kr.

Ilannga at nalinginnaasooq -10.000 kr.

Katillugit	91.200 kr.
Angut:	
A-mik isertitat	110.000 kr.
Ilanngaat nalinginnaasoq	-10.000 kr.
Katillugit	100.000 kr.
Angut + Arnaq:	
191.200 – utoqqalinersianit isertitat = 191.200 - 101.200 =	90.000 kr.
Arnap utoqqalinersiai:	
Toqqammaviusumik utoqqalinersiat	59.900 kr.
Utoqqalinersianut tapeq	74.300 kr.
Isertitaqarneq pissutigalugu annikilliliineq	
Isertitat toqqammavigineqartut:	
Isertitat maanna atuuttut – utoqqalinersianit isertitat = (90.000-83.000-it 53%-ii)	90.000 kr.
<u>Katillugit</u>	<u>130.490 kr.</u>